



**Xaverius Thaumaturgus, Panegyricum Poema**

**Frizon, Léonard**

**Burdigalae, 1684**

Caput III. Icnum Pari tertio respondens. Xaverius aquam cœlo evocans.  
Tabul. v. Oravit; & cœlum dedit pluviam. Jacob. v. Hic alia Xaverii  
beneficia ad victum pertinentia, & adjunctis duobus Eliæ ...

---

[urn:nbn:de:hbz:466:1-69047](https://nbn-resolving.de/urn:nbn:de:hbz:466:1-69047)



### CAPUT III.

Iconum Pari tertio respondens.

*Xaverius aquam cælo evocans.* Tabul. v.

*Xaverius ignem terra excitans.* Tabul. vi.

### PARS CAPITIS PRIOR.

*Oravit; & Cælum dedit pluviam.* JACOB. v.

**I**NGENS beneficium & argumentum est Divinitatis, pluvia. Unde quærit Jeremias c. xiv. *Nunquid sunt in sculptilibus, qui pluant; aut cœli possunt dare imbres?* Et Act. item xiv. Paulus cum Barnaba ad Lystrensem populum, sacrificia sibi, tanquam diis adornantem, conclamat de vero ac vivo Deo; *Non sine testimonio semetipsum reliquit, benefaciens de cœlo, dans pluvias.* Quām utilis, quām necessaria pluvia sit, gravi malo suo persensit a Achabus rex, universumq; regnum Israeliticum, ab Elia cœlo clauso, cùm exaresceret omnis humor; terræque inductâ sterilitate, homines animantiaque omnia contabescerent.

Misericordia tandem commotus Deus, ut imbre ac fertilitatem sitienti exsuccoque solo, & populo misericordi pereundi daret, jussit Eliam Achabo se sistere. Injuriosè Propheta ab impio Rege appellatus, ipsum jure ac vehementer redarguit. Convocato deinde in montem Carmel.

a III. Reg. c. 17. & 18.

Lij

melum populo, exprobratâque Dominum inter ac Baalem fluctuatione, conditionem proponit amplectendæ Religionis, ac rationem veri Numinis dignoscendi; ut instrutis aris victimisq; impositis, neque igni subiecto, utervis à cultoribus suis invocatus *exaudierit per ignem*, pro Deo habeatur. Probatâ acceptaque conditione, ignem à Baale suppliciter poscere instituunt pseudoprophetæ; nec voce tantùm, sed etiam cruenta corporum suorum lanienâ, perdiu, sed frustra instant. Vesanis hominibus & sacrilegis ubi amarè insultavit Elias, populum ad se traducit, extracto ad sacrificium bove, simul invocat Deum, simul ignem evocat: quo penitus victimâ cum rogo substructo, ipsoque altari lapideo consumpta publicam à populo exprimit confessionem venerationemque summi unicique Dei. Tum jussos comprehendî pseudoprophetas Divini cultûs assertor vindexque ardentissimus interficit: expiatâque hoc altero sacrificio terrâ, pronus accidens jam propitiato Deo, nubes ventosque excitat, optatam salutaremque pluviam impetrat.

Affine huic Eliæ factum Xaverii miraculumque conspexit Ulate, insulæ cognominis urbs, quam arctè circumseßam hostis telo tormentoque acerrimo sitis premebat, fontibus, unde hauriebant cives, interversis. Æstuabant eo maximè tempore omnia; nec spes ulla pluviae opisque supererat. Occasionem arripit Xaverius; urbi furtim se insinuat, Regem inclusum mœnibus adit, desperatione jacentem erigit: aquam de cœlo pollicetur, dummodò ipse vicissim paciscatur, ac spondeat, Christianum se suosque baptisma accepto pluviae subfido rite suscepuros. Quid multa? persuadet facilè Regi necessitas, quidquid exigitur: signum salutis, Crucem excitat ingentem Apostolus, magno populi concursu, magnâ omnium expectatione. Ad hanc mundi aram *maximam humillimè procumbens* dat sese in preces; offert Coelesti Patri largum immensumq; expediti imbris & necessarii pretium, Filii sanguinem, quo benignissimè Crux redundavit. Fusas preces continuò sequitur, obvoluto subitis nubibus aere, imber densissimus, qui desideriis obfessorum abunde satisfaciat, obsidentium spes artesque obruat.

Vides, quām egregiē fidem suam Franciscus urbemque præsenti auxilio liberet, hostium repento discessū, quibus victoriam non armorum vis, sed aquarum civitati subductorum inopia præstabat? Neque verò fidem Ulatensis fallit Rex, ac felicioribus aquis perfundendum libens gaudensque sese præbet: & prioris beneficii compotes, insularum sibi subditorum populos, in hujuscē multō amplissimi prorsusque Divini doni ac muneris consortium vocat. Unā omnes, & hominum in cladē suam imminētum metu, & terribiliorum hostium, qui sub aspectū non cadant, potestate s̄evissimaque tyrannide soluti, libertatem sibi geminam eadem operā salutemque confitam Xaverio gratulantur. Sic Elias aquam sanguine elicuit; Franciscus aquā sanguinem prohibuit. Uterque populum, concessā pluviā, ad debitum vero Numini cultum obsequiumque compulit: sed ille ad Mosaiçam Religionem penitus revocare Israeliticum Regem non potuit; hic Regem Ulatensem Christiana Religionē initiavit.

Adjuncta duo insignia mirabile facinus istud Eliæ, aquam cœlo deducentis, habuit; quibus nihil in hac quidem imbris evocatione Xaverianā respondere, sed alia duo Xaverii præclara facinora esse cognata animadverto. Propheta, ultiōne peractā, monitōque Achabo pluviam appropinquare; jubet, dum precibus ipse incumberet, famulum de montis vertice prospicere in mare, ecquid novi appareret. Cumque is, nihil à se conspectum, referret; mandat Elias, ut iterum prospectet, ac s̄epius. Qui septimā demum vice renuntiat, nubeculam ē mari existere.

Quid Xaverius? Cūm abrepta vi tempestatis fuisset à navi scapha; desperato à ceteris ipsius reditu & salute, solus incolumentem ejus certam promittit, reversionem expectandam affirmat. Crebrò ardenterq; repetitis ad clementissimū Jesum obsecrationibus & lacrymis effusus, navarchū epibatasque urget identidem, ac repugnantibus instat constanter, ut consenso malo scapha adventans requiratur. Sæpe diūqne irritā speculazione, tandem puer intentos ad malum rudentes sublimis obtinens, miraculum scaphamque exclamat. Confestim omnium animis oculisque in

eum, quem puer indicabat, maris tractum conversis, ecce scapha, quæ vel. hausta fluctibus, vel remota longissimè putabatur, salva cernitur; & quamvis turbido mari & aduerso, rectâ expeditéque ad onerariam per se ipsa remeans, mœrorem desperationemque nautarum & vectorum in repentinam gestientemque lætitiam convertit.

Alterum commemorabile parergon occurrit, Divinus Eliæ illapsus impulsusque, jam ruente nimbo. *Et manus Domini facta est super Eliam, accinctisque lumbis currebat ante Acbab.* Hic verò Franciscum mihi videre videor, non Regis alicujus præcursorum, sed mercatoris Japonii pedissequum, ut sibi ignotam perplexamque viam ad urbem regiam Meacum aperiat: Nuntium illum Apostolicum, servi indutâ personâ, heri sarcinâ sacroque ad obeunda Christiana mysteria instrumento suo gravatum; media summâq; hieme per confragosas silvas abruptosque montes, per stagnantes paludes ac torrentes rapacissimos, per faxa & fenticera, per nives acutissimo gelu duratas, & lubrico rigentique solo fallentes vestigia simul & sauciantes, nudis lacerisque & cruentatis pedibus affectari barbarum, effusè, latronum metu, equitantem, vilissimique mancipii numero habentem & ordine Xaverium. Miranti, causamque tantæ demissionis atque intolerandi laboris quærenti, sanè ex ore Pauli respondeat; *Charitas Christi urget nos.* Christi, cuius gratiâ tot illa tamq; gravia incommoda, & omnia superbissimæ gentis atque infimæ multitudinis ludibria jucundissimè avidissimèque voravit.

Ad hanc nostram commentationem accedant Mosis Eliæque miracula, quæ non pluviam, sed tamen aquariam necessitati publicæ opem attulerunt. Siti laborantem tumultuantemque populum recreavit Moses, dulcem ex amaris aquis potum suppeditans: piorum hominum rogatu, qui filii, seu discipuli Prophetarum appellantur, Elisæus tristes noxiasque sanavit Jerichuntinas aquas. Et utrique facto consimile edidit Franciscus miraculum, quod in sacrissimis ex Bulla Pontificia exscriptum atque his verbis contractum legitur. *Tantum marinæ aquæ solo Crucis signo convertit in dulcem, quantum quingentis vectoribus, qui siti adigebantur*

*ad mortem, diu sufficit. quā in varias quoque regiones asportata  
agri plurimi subito curati sunt. Ita secundum extitit miraculum, ab uno mille aliis totam per Indiam propagatis miraculis.*

Jam verò quod Moses in solitudine bis aquas rupe elicuit; quod Elisei jussu in arido Idumææ deserto effossis alveis aquæ, nullâ vel humi scaturigne vel nubium fluxione, innatarunt; an minus admiranda videbuntur, quæ non Franciscus ipse præstítit, sed quæ sacrosanctis ipsius monumentis accepta populi retulerunt? Ad Cruces passim Francisci manu depactas habitâ Indorum supplicatione, coortis derepente nubibus, optati imbræ affluebant. Adeo ut, qui Magnus, qui Sanctus vulgo dicebatur Pater, etiam **b** pluviae Pater ex Divinâ apud Jobum voce & beneficentia potuerit nominari.

Alia quoque (ut institutæ Xaverianorum in hoc genere beneficiorum considerationi cumulum addam) vel necessaria vel opportuna ad sustentationem corporum vitæque usum, Francisci munera suppetunt, miris Eliæ atque Elisei beneficiis gemina. Oleum ambo Prophetæ multiplicarunt, quod non largius in utilitatem egenorum, quam in beneficorum gloriam fluxit. Nec parcior aut in egentes, Francisci, aut Dei in Franciscum munificentia. Erat hoc Apostolico viatori in more positum, ut si quid secum in navim commeatūs inferret, id totum itineris comitibus divideret inopibus stipe corrogatâ se ipse toleraret. Itaq; exhausto, quam tenuis viatici partem navi imposuerat, olei gutto, supervenit qui oleum rogaret. Neque cunctatus, mandat socio largitionem Xaverius. Ille qui jam inanem guttum invertisset, negat liquoris vel stillam iuperesse. At jussus recognoscere, guttum repletum admirabundus reperit, affatimque oleum tribuit roganti.

Equidem panes, ut ab Elia, ut ab Eliseo, suppletos aliquando & multiplicatos ab Francisco haud memini: sed aureos, quos nulos habebat, nummos divinitus in tempore subministratos, naufrago mendico erogasse legi. Et verò

**b** Quis est pluviae pater? Job. 38,

ipse pauperum ac miserorum in usus apparuit multiplex. Certè scapham, de quâ paulò antè narravi, ita visus est gubernare, vectorésque solari corā & animare, nullum ut timori locum relinqueret apud homines, qui tam propè ab exitio fœdissimam inter procellam abeſſent: vixque habere fidem, in navim recepti, potuerint asseverantibus Patrem in oneraria perſtitisse. Aliàs etiam duobus simul in locis comparuiffe Franciscum, sagacis est Bartoli, certissimis nixa testimoniis maximisque autoritatibus, observatio. Verùm ad præbitæ egentibus annonæ beneficium ut redēam: Paravis, Badagarum incursione fævissimorum hostium, in desertas penitùs insulas, aut syrtes potiùs merasque arenas disiectis, atque ab omni vietiū imparatis, cura plusquam paternâ summâque festinatione succurrit Xaverius; & vicenis commeatu cymbis oneratis, carissimos sibi Neophytes à fame, ab interitu vindicavit. Quod Xaverii factum si minus admirabilitatis habuit, quām illud annonarium Eliæ Elisæique miraculum; plus quidem, ausim dicere, veræ solidæque laudis meruit; operam exercitationemque charitatis maiorem exhibuit. Uno verbo, aut tacitâ precatione, ex Divinæ theſauro clementiæ ac potentia, superiores illi Prophetæ domestica frugum incrementa depromperant, & uni providerant familiæ, suo ipſi beneficio fruituri: at genti universæ laboriosissimam opem tulit, nullo fructu suo, novus & opere potens Prophetæ & sermone.

Quid, quid infestus Israelitis Elias c induxit in illos famem? d quando, ut loquitur Christus Dominus, clausum est cœlum annis tribus, & mensibus sex. Contrà Xaverius, e fame non panis nec siti aquæ, sed verbi Domini depulsa, Cœlum Indis per decennium aperuit. Ille f cœlum æneum reddidit, pluvia tanto tempore cohibitâ: hic mollito Cœlo evocavit g pluviam voluntariam, quam segregasti Deus hereditati tuæ.

c Eccl. 48. d Luc. 4. e Amos 8. f Deuter. 28. g Psal. 67.



PARS



## PARS CAPITIS POSTERIOR.

*Dejicit de cœlo ignem ter. Eccli. XLVIII.*

**J**OANNES Apostolus in eo libro, qui, ut Hieronymus asserit, tot habet sacramenta quot verba, Eliam supremi Judicis Testem a venturum geminâ vi designat, & potestate ignis ex ipsius ore in hostes erupturi, & aquæ clauso cœlo continendæ. Alteram executi jam sumus partem de imperio in pluviam exercito: alteram nunc aggredimur de igni ad arbitrium contorto. Primum ignis à Prophetæ suppliciter evocatus, de cœlo demissus est in victimam, quam aræ in monte Carmelo excitatæ impoſuerat: quo de sacrificio parte in priore dictum est. *Cecidit ignis Domini, & voravit holocaustum, & ligna & lapides, pulvrem quoque & aquam, quæ erat in aquæduetu, lambens.* Deinde haud vanâ imprecatione fulmina elicuit, cùm in eum semel atque iterum Ochozias rex quinquagenarium Principem cum agmine suo immisisset. Iussus regis nomine Prophetæ de montis fastigio, cui insidebat, descendere, jussit ipse ignem de cœlo descendere, qui ducem cum suâ manu militum absumeret.

Nec minùs ignem Xaverio, quoties usus postulavit, Deus impendit. Atque ut fileam de sanctiori mysticoque igne, qui Francisci inter sacrificium animo illabens, oculis & ore toto refulgebat; ignem externum, Divinæque ultorem injuriæ, non ille de cœlo accersivit, sed terrâ excitavit; nec tertium repetitâ, ut Elias, dejectione, sed flamarum continentî per triduum eruptione. Reim, quæ

a. *Apocal. II.*

M

## X A V E R I U S

<sup>90</sup> majorem & indubitam fidem obtineat, ex Pontificio diplomate Canonizationis referam.

Ad Molucas insulas etiam Franciscus advenerat, ubi magno spiritu fervore verbum Dei primus annunciatbat. atque in urbe Tolo viginti quinque millia hominum baptizaverat. Qui cùm, suasu tyranni cuiusdam, Christi fidem deseruissent, Ecclesiam solo aquassent, Cruces Sanctorumque imagines confregissent & conculcascent, Franciscus zelum Domini zelatus, viginti Lusitanos ac quadringentos circiter indigenas ad ultionem tanti sceleris incitaverat. eoque duce ac victoriæ sponsore, tam paucæ militum manus aduersus urbem munissimam, Christi rebellem, expeditionem aggrediebatur. Sed cùm prope urbem pervenissent, substituerat vir Dei, ac orationi se dederat: statimque viiinus mons magnum emiserat incendium; adeoque ingentem cineris ac pumicum vim eructaverat, ut urbis atq; arcis, quæ in edito sita erat, muros aquasset. horribilisque præterea terræ motus totam urbem concusserat, plurimasque domos subverterat. Quibus malis exterriti incole, desertâ urbe, in proximas silvas configurerant. Urbs itaque à Francisci militibus facile capta erat. cives vero ad ejus pedes prostrati, acceptaque salutari pœnitentia, delitti veniam impetrarant.

Quo loco haud prætermittendum est, urbem aliam nullam, sacris à Xaverio semel initiatam Christianis, communiter à Christo descivisse. Quin ita seri colique ab Apostolo Religionem solitam, non ut stare solum ac tueri se ipsa posset; verum etiam, ut adolesceret ac propagaret sese divinis Francisci institutis. Atque id vel præcipue in Japonibus extitit; qui pro temporum iniuitate demum & atrocitate tyrannorum penitus derelicti, sublatis consumptisque omni cruciatu genere cultoribus Europæis, fidem jam olim Francisci operâ suscepit, quâ servarentur, servarunt constantissime. Et aquâ, & igni, & ferro tentata explorataque probavit se vis illa diligentis operosique satu cultusque, ac frequentissimo dirissimorum tormentorum experimento clarior enuit.

Neque id modò perfectum industriâ ac virtute Xaverii fuit, ut ne popularis usquam à Christiana Religione defensio contingret: sed & singuli, quos ille erudiit, tam

## THAUMATURGUS.

91

arctè fidem sunt complexi; ut eorum multi ab ethnicis Saracenisque capti, propositis, ni Christum abdicarent, poenit acerbissimis, vitam sibi prius quam fidem extorqueri sustinerent. Quod si quis à Francisco institutus atque ad Christiana sacra perductus, gradum retulisset, pristinam in superstitionem recidisset; exardescerat nimis Apostolico vir spiritu, quam lenis facilisque in suis preferendis injuriis, tam severus acerque in Divinis ulciscendis. Quare in Comorino promontorio cum aliquando simulacrum rescisset à neophyto dedicatum; sacrilegæ impatiens perfidiæ, flagitium injecto contaminatis ædibus igni expiari jussit: ut insignis poenæ documentum ceteris esset cautioni & saluti. Multis honestis viris ( Tursellini verba repræfento ) supplicii gravitatem deprecantibus, hoc solummodo permisit, ut rem familiarem domo liceret efferre: domum ipsam, sacrilegii receptaculum, omnino incendio absumi voluit.

Idem nempe agebat Franciscum Spiritus, qui Eliam egredit ad siccitatem sterilitatemque Israelitis inducendam, ad necem ferro flammaque inferendam. Quanquam & Lusitani Regis autoritate, & Indici Prætoris aliorumque Magistratum voluntate, plurimum Xaverio licebat, cui nihil liberebat, nisi quod expediret. At Eliæ non favebat profecto, nec assentiebatur Achabus eorum cœdi, quibus & ipse, & uxor impia Jezabel nefandæ superstitionis administris uterentur: sed repugnare non ausus post ingens prodigium effusis populi studiis, & ardori Vatis cœlum habentis in potestate, redimi sanguine aquam patiebatur.

Hic verò dissimulare non possum, quod Eliam Chrysostomus ob imperfectam pseudoprophetarum cohortem crudelitatis insimulare non dubitavit. Evidem Chrysostomi sanctitatem veneror pro eo ac debeo; sed eloquentiam nolim aliquid labis Eliæ nefariorum hominum sanguine aspergere. Virum Deo acceptissimum, ipsique Chrysostomo venerandum, & alibi pro suo merito amplissime laudatum, ab omni inclemetia notâ purgatum absoluimusque cupio. Et sanè si impuri gregis imperfectio crudelitas esset appellanda; quot illustres in sacrâ historiâ viri

M ij

crudelitatis maculam contraherent ! quōt pulcherrima facinora in odium crimenque vocarentur ! Etenim , ut omittam Phineen , qui , occiso flagitiī principe , iram Dei in Israelitas effervescentem noxio sanguine restinxit , Sacerdotium sibi suisque sempiternum promeruit : ut Samuel taceam , qui *fidelis & dilectus Propheta Domini* , abjectum à Deo Saulem declaravit ob Amalecitarum excidium imperfectum , & Agag regem in fructa concidit *coram Domino* : ecquid Moyses ille , *vir mitissimus super omnes homines* , congregatis ad se Levitis imperavit , ut strictis gladiis castra percurrentes promiscuam stragem idololatrarum ederent ? *Cecideruntque in die illa quasi viginti tria millia hominum.* & ait Moyses ; *consecrasti manus vestras hodie Domino, unusquisq; in filio, & in fratre suo, ut detur vobis benedictio.* Quid Josias , extra comparationis aleam , reges inter Judæos , ab Divino historico positus ? *Delevit aruspices... & eos qui adolebant incensum Baal... & occidit universos sacerdotes excelorum, qui erant ibi, super altaria; gratissimas certè Deo victimas.* Sed ut reliqua fileam vastæ cædis exempla ; hoc Eliæ facto conjunctissimum , quod Jehu rex collectos fano suo cultores Baalis ad unum omnes immissa ducum & militum manu contrucidavit . *Dixit autem Dominus ad Jehu: quia studiosè egisti, quod rectum erat, & placebat in oculis meis... filii tui usque ad quartam generationem sedebunt super thronum Israel.*

Cui ergo cædem illam antistitum impietatis ab Elia perpetratam criminari liceat , & crudelitatis nomine justissimam Deoque probatissimam ultionem infamare ? Deo supplicans ad aram quam excitarat Propheta , signum expedit , quo confirmaretur , juxta præceptum ipsius à se facta superiora omnia. testis & in suâ causâ idonei declarationem ignis de cælo delapsus obsignavit. Igne cœlesti non magis victima , quam cum Elia populi circumfusa turba inflammatæ , ad hostes Dei comprehendendos maestandosque prorupit. Eâne , quæso , crudelitas est appellanda? appelletur ita sanè , dum agnoscatur , quod aliâ occasione scripsit Hieronymus , solum pietatis genus , in hac re esse crudelem. Ex illius quidem , quo fieri mansuetius nihil potuit , Mosis sententiâ , manuum isto sanguine imbū-

## THAUMATURGUS.

63

tarum consecratio fuerit. Et tale factum sua sunt præmia consecuta. Cœlum jam triennio longius clausum, denique nefandorum hominum mactatione, & quasi terræ populiq; iustificatione, apertum est ad aquas secundum flammam effundendas: pluvia condonata; telluri fecunditas, salus universæ genti restituta. Intervenit Jezabelis furor; timore qui caderet in constantem virum, contactus Elias secessit in desertum locum. Ibi præclarè sibi conscius, non excusationem homicidii multiplicis attulit; non veniam oravit: sed interpellans arbitrum mentis suæ Deum, zelo incitatum se, multum esse ausum pro Domino testificatus; Divinum foedus ab Israelitis violatum, altaria Divina eversa, Prophetas Dei interemptos, jamque solum se superstitem, & adhuc posci ad necem conquestus; Divinum accepit responsum, quo non culparetur, sed erigeretur vindictæ fiduciâ: futurum scilicet, ut sceleratorum, de quibus expostularet, quisquis effugisset Syri Israeliticique Regum gladios, ab Eliæ necaretur. Quis est igitur circa magnum opus Eliæ reprehensioni locus, cum Divina totum laus occuparit? aut quid ego urbes provinciasque anathemati sæpe subjectas, ferro flammaque consumptas à laudatissimis, iisq; lenissimis Principibus Israeliticis commemorem? ut domus, quam sacrilegium contemeraverat, unius ab Xaverio incensæ confessio religionem (quod accidisse videtur) movere nemini debeat, ne quæ velut fumi fordes ipsius virtuti famæque adhærescant, unde incensum Divinæ gloriæ studium illustrius emicuit.

Si quis verò severitatem ejusmodi valuisse in veteri lege concedit; in novâ, quæ amoris & gratiæ est, locum habere denegat: consideret paulò attentiùs, quid ipse legis Evangelicæ parens egerit: haud sanè dubitabit, quin vehementes esse interdum his etiam temporibus viros sanctos conveniat, cum proposita Christi Domini exempla memori pioque animo reputarit. Ille, quem prædictus Vates Evangelicus, Matthæo quoque interprete, leniter adeò pedem ellychnio fumanti, & quassatæ arundini impressurum, aut verius non impressurum, sed ita leviter suspensurum, ut neque illud extinguat, neque hanc con-

terat: ille tamen ipse dextram armavit flagello, ac negotiatores omnes templo exegit bis, mensis eorum cum ære disiectis, & animi & oris ardore tanto, ut agnoverint discipuli, propriè in ipsum quadrare Davidicum hocce vaticinium; *zelus domini tuae comedit me.*

Christus Apostolos, tanquam Sol splendidissimos radios misit in mundum: ut apposè Cardinalis à Monte, jam crebrò appellatus, in orationis exordio Consistorianæ dixit. Atenim non hi radii, quales epist. lxxix. scribit Seneca flamas, nil adurentes, sed tantùm vi remissa ac languidâ refulgentes. Sol idem intelligentiæ, ut ab Sapiente nominatur; & justitiæ, ut ab Malachia; radios igneos exsufflans, & refulgens radiis suis obcœcat oculos; ex loco Siracidæ jam perstricto à me sub finem secundi capit, & ad Xaverium, quasi parelium, translato. Ita vibrant hi radii, & ipsi in soles quosdam secundarios conformati, ut præfidentes ac feroces oculos hebetent atque excœcent, qui simplices & submissos recreant & acuunt. Terribilis imprecatio, seu prænuntiatio! Obscurerunt oculi eorum, ne videant. Psal. lxviii. cui recinat funestæ ista calamitatis affirmatio è Psal. lvii. Supercedidit ignis, & non viderunt solem. Sed hæc ad animum spectant. Fuit verò ex hujusmodi radiis acerrimis, qui cœcitatem corpori importaret, voluntariæ atque intimæ cœcitatis & indicem & ultricem. Paulus Elymam magum, lumini rebellem, aptissimâ pœnâ multavit: caliginem tenebrasque homini refractario, ducique ad errandum projecto offudit. Gravius Corinthium punitus est incestum Apostolus; igneam vim suam sic aliis infligens, ut eâdem torqueri se exclamaret. *Quis scandalizatur, & ego non uror?* Dirâ execratione constrictum hominem improbissimum tradidit Satanæ. Neque indulgentiorem præbuit se Princeps Senatus Apostolici Petrus in Ananiam Sapphiramque conjuges; quos, agro vendito cùm pretii in commune conferendi partem suppressissent, fraudique adderent contegendæ mendacium, ille Sancti Spiritus & interpres & vindex, acerrimis verbis, tanquam ardentibus confixos telis, subitò exanimatos prostravit ad fanciendam apud omnes duorum præsenti morte disciplinam.

Seyeritatem aliquando tantam exercebant Apostoli, vi. rique alii justi, quemadmodum exerceri ab cœlestibus omnipotentis Domini Administris egregiè docet Augustinus l. ix. de Civitate Dei c. v. Sancti verò, inquit, Angeli cùm sine irâ puniant, quos accipiunt æternâ lege Dei puniendos... tamen istarum nomina passionum consuetudine locutionis humanæ etiam in eos usurpantur, propter quandam operum similitudinem, non propter affectiōnum infirmitatem: sicut ipse Deus secundum Scripturas irascitur, nec tamen ullâ passione turbatur. Hoc enim verbum vindictæ usurpavit effectus, non illius turbulentus affectus. Ita justitiae ultionisque Divinæ administrationem doctè sapienterque exponit Augustinus. In hunc planè modum Xaverius, pacato intus animo, extrà non-nunquam cum pervicacibus effrænatisque hominibus, & quâ apud Deum gratiâ, & quâ apud Optimates valebat autoritate, dimicavit. Tam mitis, quam qui mitissimus, nullo incommodi sui respectu, nullo injuriæ propriæ sensu, aculeum alias objurgatione exerebat, suppicio alias mucronem adigebat: unicè ad Christi gloriam salutemq; proximorum omnia flagrantissimo studio referebat. His adeò stimulis concitatus, ad expiationem sacrilegii, & igit nem injici tectis revoluti in superstitionem Comorinensis voluit, & flamas terræ motu vehementissimo in urbem Tolum evocavit.

Solet quidem suorum animos Deus ad lenitatem inflectere, nec patientes modò in vexationibus præstare, sed etiam gaudio efferre, ut maledicentium contumelias faustâ precatione excipiant, persequentium injurias beneficiis repandant. At certis ex infinita providentia sua locis & temporibus instigat ad proterviam improbitatemque opportuna meritaque castigatione retundendam. Quo factum est, ut Cangoximæ in Japonia Franciscus, à petulantissimo scurra appetitus convitiis, cùm grates hilarè cogitaret, arcano monitu motuque ad incutiendum audacibus furiosisque ministerii obtrectatoribus Evangelici terrorem, hisce vocibus ad speciem deprecationis benignæ compositis; os tibi servet Deus; poenam insolenti

## X A V E R I U S

95

nequitia scelerataque insanæ debitam intentarit simul & irrogarit. Protinus ulcere foedissimo os, quo virus acerbissimi pectoris rabidus convitiator evomuerat, corruptum exesumque, sanie cum horribili graveolentia diffusit. Majus omnino, plublicumque, non in unum furibundi Japonis caput, sed in civitates ipsas ostentum Xaverio adfuit in tempore; ubi seditione conflatâ à Bonziis contra peregrinum inauditi Numinis præconem vitiorumque suorum censorem apertissimum, duabus ex urbibus exturbatus, ab insanæ multitudinis impetu & lapidatione defensus protectusque divinitus est conglobatarum objectu nubium, multo cum tonitru, infestaque densissimis fulguribus tempestate.

Genus aliud fulminis adhibuit Franciscus in protervum contumacemq; adversarium, urbi Malacæ Præfectum, Apostolicæ in Sinas expeditionis nefarium perturbatorem. quâ de injuriâ, inflictâque menti Xaverii acerbissimo vulnere dictum est antea non semel, sed parum pro rei gravitate. Tum Apostolici Nuntii potestatem, quam haec tenus præ modestia reconditam habuerat, expromere demum coetus, diras cœlestes in præfractam impietatem intorsit, omni prius ratione tentatâ conciliandi revocandique ad sanitatem hominis perditissimi. Non is erat Xaverius, qui facile ac temere ignem excutere cœlo vellet; ut nimio quondam fervore longius progressi fratres duo Boanerges. Ecclesiasticâ necessariâ plagâ impositâ, miseratus adhuc tyranni Malacensis amentiam, pro eo ad Christum suppliciter enixéque agere cum lacrymis institit, ut æternam ab homine tam graviter prolapsa cladem averteret. Quæ audita rataque videtur fuisse deprecatio, perinde atque execratio fuerat; cum Ataïda præfectus, de gradu dejectus, vinclis onus; bonis, quorum aviditate & invidiâ Sinicâ abruperat legationem, spoliatus; morbo insuper teterimo oppressus, ita commissum nefas in Xaverium luerit, ut, ad extremum agnito scelere, poenas à Deo atque à Rege Lusitano inflictedas pœnitentiâ consecrarit.

Benignissimi Domini, Apostolorumque miracula, benefica & salutaria ferè iis, erga quos edebantur, suâ nimis

rum

rum sponte exprimebat Xaverius; Prophetarum veterum severa & ultricia invitè, raro, & certa ratione instinctuq; Divino imitatus. Et quidem ursos è saltu excivit Elisæus, qui procaces & contumeliosos pueros ad Bethelem lace-rarunt supra quadragenos: Xaverius tigres, per Sancia-num insulam gregatim sœvientes, obviam ipse per no-ctem ultro progressus, ferumque & sanguinarium aquâ lu-strali gregem aspergens, excusū in posterum interdicto, cunctâ regione exterminavit: ac pueros omni Christianæ patriæque charitatis operâ complexus, innocentes cater-vas baptismo in cœlum transfinisit; quæ Divinum Agnum sequentes, candidatam pompam beatissimo augeant comitatu. Proximo capite exponetur, quām mirificè Travancoridem propugnarit servaritque incruentâ ex Badagis victoriâ: mox, ut ejusdem auspiciis ducta in Acenos expeditio, strage Barbarorum incolumentatem prædamque Lusitanò generi, securitatem gloriamque nomini Christiano compararit. Quem verò adversus Tolanos igitur excita-vit; ad expianda sacrilegia & Religionem illustrandam, ad ipsius victæ civitatis & afflictæ salutem pertinuisse jam cog-novimus. Accensus erat igni, quem b<sup>r</sup> Dominus venit mit-tere in terram, Xaverius: atque ipse ( quod Relatio testatur Cardinalitia ) Indiam ut attigit post longam navigationem, quæ annum tenuit, curando corpori nullum tempus dedit; sed ignem, quem in illas provincias mittere venerat, statim cœpit spargere. Nec postea destitit, quem veluti arâ cordis perpetuum ale-bat, Apostolicâ linguâ in omnem partem diffundere; nunc minaciter fulgurare, nunc radiare visus blandissimè, ac vim suam multiplicem longe latéque ad perpurgandos incendendosque animos explicare.

b Ignem veni mittere in terram: & quid volo, nisi ut accen-datur? LUC 12.

